

# Powšitkowne WOZJEWJENJA

njedźelu, 27. februara 2022

## Wusyłanje Božeu mšow

Serbskorěčnej Božej mši móža wěriwi tutu njedźelu, 27. februara, znova jako livestream w interneće sčěhować. Jedne kemše přenjesu so we 8.30 hodź. z Kulowskeje, dalše w 9 hodź. z Chróšćanskeje cyrkwe. Linkaj na nej stej w interneće pod [www.posol.de](http://www.posol.de) a na wosadnymaj stronmaj podatej.

## Młodźina zhromadnje do dźiwadła

Worklečanske młodźinske dekanatne dušepastyrstwo přeprašuje młodostnych, zo bychu sej sobotu, 5. měrca, w 19.30 hodź. w Budyskim Němsko-Serbskim ludowym dźiwadle zhromadnje dźiwadłowu hru „Šěrcec Hanka“ wobhladali. Zastupne lisćiki dóstanu za potuńšenu plaćiznu we wysokosći pjeć eurow, jeli so hač do tuteje njedźele, 27. februara, online na internetowej stronje młodźinskeho dušepastyrstwa přizjewja. Link k tomu je pod [www.posol.de](http://www.posol.de) podaty.

## Póstny kalender dekanatneho kružka

Młodźinski dekanatny kružk poskića lětsa póstny kalender na powěšćowym kanalu WhatsApp. Z nim dóstanu zajimcy kóždy dzeń w póstnym času impuls na swoje šmórakto. K tomu zarjaduje nachwilnje separadne mobilne čisło, z kotrehož impuls wšědnje rozesće. Zajimcy njech napisaja WhatsApp powěšć z hesłom „Póstny kalender 2022“ na mobilne čisło (01 78) 6 82 99 93.

## Serbske kemše w Drježdźanach

Drježdźanscy Serbja su na maćernorěčnu Božu mšu njedźelu, 6. měrca, w 16 hodź. přeprašeni. Wona wotměje pak so tónraz w cyrkwi Jězusoweje wutroby w Drježdźanach, Borsbergowa 15/17. Hač do jutrow přewodža tamnišu wosadu křižowy puć serbskeje wuměłče Isy Bryccyneje. Do a po kemšach wobsteji móžnosć, sej jón wobhladać a so při někotrych stacijach pomodlić. Tež dalši Serbja z Łužicy su witani. Aktualne postajenja pandemije maja so wobkedźbować.

## Wobsah 2021 online přistupny

Wobsah Katolskeho Posoła lěta 2021 je dozestajany. Wšitcy, kotřiž chcedža sej lětnik zwjazac dać a wobsah sobu zapřijeć, móža sej dataju w formaće pdf z internetoweje strony [www.posol.de](http://www.posol.de) wučišćeć. Štóz tule móžnosć nima, njech wobroći so na redakciju Katolskeho Posoła w Budyskim Serbskim domje pod telefonowym čisłom (0 35 91) 55 02 12.

## Modlenje w Róžeńće

Na modlersku hodžinu před wustajenym Najswjećišim su wěriwi sobotu, 12. měrca, we 18.00 hodź. do Róžeńčanskeje hnadowneje cyrkwe přeprašeni. Paćerje spěwać budu so serbsce a němsce.

## **Ekumeniski póstny seminar w Smochćicach**

„Zhromadnje swět wuchować“ rěka hesło lětušeho přenjeho ekumeniskeho póstneho seminaru póndželu, 7. měrca, w 19.30 hodź. w Smochčanskim kubłanišću swjateho Bena. Referentaj staj dr. Gerd Lippold, statny sekretar w saksim ministerstwje za energiju, škit klimy, wobswět a ratarstwo, a Thomas Hörtinger, prokurist firmy LEAG w Choćebuzu. Dalšej přednoškaj budžetej 14. a 21. měrca. Lětuši rjad póstnych seminarow zakónči so 28. měrca z filmowym wječorkom.

## **Zetkanje samostejacych**

Samostejacy ze serbskich wosadow su na swoje přichodne zetkanje wutoru, 22. měrca, w 14 hodź. do Smochčanskeho kubłanišća swjateho Bena přeprašeni. Zajimcy njech so prošu hač do wutory, 15. měrca, w redakciji Katolskeho Posoła přizjewja, telefonowe čisło (0 35 91) 55 02 12. Tež dalši zajimcy su wutrobnje witani. Kóždy njech sej prošu Wosadnik a nahubnik sobu přinjese, wšako maja so hygieniske předpisy kubłanskeho domu dodžeržeć. Štóž chce wotewzaty być, njech to prošu zdžěli. Wobkedźbować maja so tohorunja potom płaćace koronowe regule.

## **Přednošk k rěči wobrazow**

We wobłuku Smochčanskeho jewišća přeprašuje tamniše kubłanišćo swjateho Bena wšitkich zajimcow sobotu, 5. měrca, w 19.30 hodź. na přednošk wo wumělstwje žanrowych mólbow. Wumělstwowa historikarka Marianne Risch-Stolz přednošuje k temje „Rěč wobrazow – Namakanki w nižozemskich žanrowych mólbach. Zastup je darmotny. Zarjadowanje wotměje so pod płaćiwymi koronowymi postajenjemi. Přistup maja jeničce wot korony wustrowjeni a pře nju šćěpjeni, kotřiž pak trjebaja přidatnje oficialny dopokaz, zo su negatiwnje na nju testowani (regula 2G+). Wuwzate su wosoby z třecim šćěpjenjom (boosterom).

## **Digitalne eksercicije misionarow oblatow**

Čłonojo Hünfeldskeje oblatskeje swójby přeprašuja w póstnym času na digitalne eksercicije we wšědnym žiwjenju. W srjedzišću steji pječ čłowječich zmysłow. Wobdžělnicy dóstanu jónu tydžensce impuls k čitanju abo sluchanju. Tohorunja jónu wob tydženi wobsteji skladnosć, so přez platformu Zoom w małych skupinach zetkawać a so wo impulsu, svojich myslach a nazhonjenjach wuměnjeć. Kóždu póndželu wječor – potajkim 7., 14., 21. a 28. měrca kaž tež 4., 11. a 18. apryla, – stajnje w 19.30 hodź. su wšitcy na onlinowy nyšpor „Spätschicht“, přeprašeni, kotraž wotměje so tež přez Zoom. Štóž nochtyle platformu wužiwać, móže so telefonisce na eksercicijach wobdžělić. Přizjewjenja přijimaju online. Link k tomu kaž tež k stronje z nadrobnymi informacijemi je pod [www.posol.de](http://www.posol.de) podaty.

Zajimowanym poskića zdobom wšědný impuls přez powěšćowy kanal WhatsApp. Štóž chcył jón dósatwać, měł so tohorunja za njón přizjewić, a to z powěšću „Impulse starten“ na mobilne čisło 01 51 28 37 23 24.

## **Eksercicije w póstnym času**

Pod heslom „Harmoniju začuwać“ přeprašuje Budyski klóšterk klarisow tež lětsa zaso na eksercicije we wšědnym žiwjenju. W tydženskich zetkanjach, kotrež wotměja so stajnje wutoru wot 19.00 do 20.30 hodź. na žurli Jandželoweho domu klóšterka, zhladuja wobdžělnicy mjez druhim na sebje samych, na sobučłowjekow kaž tež na žiwjenje a smjerc. Pozadk tutech eksercicijow twori slónčna pěseň swjateho Franca Assisiskeho. Přenje zetkanje budže

wutoru, 8. měrca, dalše 15., 22. a 29. měrca kaž tež 5. a 20. apryla. Po potrebjce wutwori so druha skupina, kotraž zetka so stajnje pónđzelu wot 15.30 do 17.00 hodž. na samsnym městnje. Přizjewjenja přijimuju klarisy telefonisce pod čisłom (0 35 91) 21 10 83 abo z mejlku na klarissen@gmx.de hač do popjelneje srjedy, 2. měrca. Zdobom wone na to skedźbnjeja, zo płaci regula 3G. Wobdžělic smědža so potajkim jeničce z korony wustrowjene, pře nju šćěpjene a aktualne na koronu negatiwnje testowane wosoby.

### **Akciji za pory a swójby w póstnym času**

Džěłowa skupina za katolske swójbne kubłanje (AKF) přeprašuje pory a swójby k wšelakim akcijam w póstnym času. Pod hesłom „7 tydženow lóšo“ dawa AKF nastorki, sej čas mjez popjelnej srjedu a jutrami wědomje wuhotować. Za wobě cilowej skupinje maja tydženske póstne listy z nastorkami a impulsami spřihotowane. Nimo toho steja přewodne teksty a předłohi za Bože služby k dispoziciji. „Runje w času koronoweje pandemije skići póstny čas dobre šansy, po wěrje zhromadnje žiwi być a ju reflektować“, rozłóži předsyda komisije za mandželstwo a swójbu biskopskeje konferency, Berlinski arcybiskop Heiner Koch. Kaž AKF zdžěli, su pory kaž tež swójby z džěćimi zakładnošulskeje staroby z listami k rozdžělnym tydženskim temam přeprašene, zo bychu sej swoje swójbne žiwjenje a partnerstwo z drugeje perspektiwy wobhladali a zaznawali. Zajimcy měli poskitk abonować, kotryž je darmotny. Linkaj k přizjewjenju za pory respektiwnje swójby stej pod [www.posol.de](http://www.posol.de) wozjewjenej.

### **Pytaja wosobu za džěćacu pastoralku**

W dekanatnym dušepastyrstwe za džěći a młodžinu we Worklecach ma so k přichodnemu móžnemu terminu njewobmjezowane džěłowe městno w pastoralce za džěći wobsadzić. Tydženski džěłowy čas wučinja 20 hodžin. Pisomne požadanja přijimuje personalny wotrjad biskopskeho ordinariata, Käthe-Kollwitz-Ufer 84, 01309 Drježdžany, hač do tuteje njeđzele, 27. februara, z mailku na [bewerbung@bddmei.de](mailto:bewerbung@bddmei.de). Link na nadrobne wupisanje nańdu zajimcy pod [www.posol.de](http://www.posol.de).

### **Pytaja sobudžělačerku w recepciji**

W Smochčanskim kubłanišću swjateho Bena ma so ručež móžno městno w recepciji znowa wobsadzić. Tydženski džěłowy čas wučinja 40 hodžinow. K nadawkam slušeja na přikład přijěće hosći, hladanje hoteloweho programa, naćisk poskitkow pod pozadkom trěbneho hospodarjenja a planowanje terminow. Wuměnjenja su mjez druhim wukubłanje a nazhonjenja jako hotelowa fachowa móc, nazhonjenja we wobchadženju z rezerwowanskimi a kompjuterowymi programami kaž tež zwólniwość kónc tydženja a po potrebjce službu wukonjeć. Dalše informacije podawa rektor kubłanišća Sebastian Kieslich, docpějomy pod telefoniskim čisłom (03 59 35) 2 23 13. Pisomne požadanja přijimuje personalny wotrjad biskopskeho ordinariata, Käthe-Kollwitz-Ufer 84, 01309 Drježdžany, hač do pónđzele, 28. februara. Podłožki móža so tež digitalnje zapodać, a to z mailku na [bewerbung@bddmei.de](mailto:bewerbung@bddmei.de). Link na nadrobne wupisanje džěłoweho městna nańdu zajimcy pod [www.posol.de](http://www.posol.de).

### **Jězba w lěcu za šulerjow 5. do 8. lětnika**

Dekanatne dušepastyrstwo džěći přeprašuje šulerjow 5. do 8. lětnika w lětnich prózdninach na jězbu do Lückendorfa w Žitawskich horach. Wona wotměje so wot pónđzele do pjatka, 15. do 19. awgusta. Přizjewjenja přijimuju hač do soboty, 30. apryla, online. Link je pod [www.posol.de](http://www.posol.de) podaty.